

卷廿五

外科門

赤水玄珠全集

赤水玄珠第二十九卷目錄

外科小引

五發癰疽論

背疽其源有五

疔瘡

雜瘡

癰

瘡科總論

華佗癰疽瘡腫論

五發癰疽通治方

反花瘡

婦人陰瘡

臙瘡

赤水玄珠第二十九卷

外科門小引

新安生生子孫一奎著輯

生生子曰外科最重者莫如癰疽最急者莫如喉風疔腫患之者生死立見其餘瘡癰皆可緩圖非若上三證急若風火也究其受病之源經曰營氣不從逆于肉理乃生癰腫又曰膏粱之變足生大疔又曰六府不從留結爲癰又曰諸痛痒瘡瘍皆屬心火大抵皆氣血虛弱蘊鬱熱毒調養失宜之所致也予固非專門外科蓋常咨訪推究頗知治法大體茲採前人所論癰疽證治載列卷首疔瘡腫瘍次之陶節庵癰疽經薛立齋外科精要二書實外科權輿業是者不可不使之隨囊檢視能熟此二書鮮有敗事予固特舉歷試有功者揭出以告同志云

瘡科總論

夫癰疽瘡癰者皆由氣血不和喜怒不時飲食不節寒暑不調使五臟六腑之氣怫鬱于內以致陰陽乖錯氣血凝滯而發也亦有久服丹石燥熱之藥熱毒結深而爲癰疽也夫癰疽之疾多生於膏粱富貴之人以其平昔所食肥膩炙燂安坐不勞嗜慾無節以致虛邪熱毒內攻煎熬氣血而成也癰者壅也大而高起屬乎陽其脉浮數疽者沮也平而內發屬乎陰其脉沉數瘡者總名也癰者有頭小瘡也經云諸痛痒瘡皆屬心火蓋心主血而行氣若氣血凝滯挾心火之熱而生癰疽之類也然所感有淺深故所發有輕重大小之不同也六府積熱騰出於外肌肉之間其發暴甚皮腫光軟侵袤廣大者癰也五臟風毒積熱攻注於肌骨其發猛惡初生一頭如痞

臟白色焦枯觸之而痛應心者疽也熱發於皮膚之間浮腫根小不過二三寸者癰也夫癰發於六府若燎原之火外潰肌肉疽生於五臟沉澁難療若陶室之燧內消骨髓癰則易療惟難將息而遲癰疽則難療而易痊夫諸瘡之中惟背疽疔瘡最爲急症其次莫如腦疽腸癰喉癰之類亦其急者也至若瘰癧懸癰痔漏諸瘡之類其證可緩而治也又有疥癬癰瘡風疔之類雖云俱屬瘡類而其輕重緩急自有不同也夫癰疽之疾要須察其是虛是實是冷是熱或重或輕對證用藥無失先後次序凡人年四十以上等項鬢頤背脊腰脇或筋骨之上所視不見之處稍有瘡癰便不可輕易待之若視之怠慢以爲常疾每見至微至著喪命者多矣便宜速急治之庶幾得救譬之救火初起則易救至于燎原之勢不可撲滅矣其理亦由是也凡瘡未破毒攻臟府一毫熱藥斷不可用此是先後次第之妙訣也夫瘡有五善七惡不可不辨若動息自寧飲食知味一善也便利調勻二善也膿潰腫消色鮮不臭三善也神彩精明語聲清亮四善也體氣和平五善也如煩燥時嗽腹痛渴甚泄利無度小便如淋一惡也膿血大泄焮痛尤甚臭惡難近二惡也喘粗短氣恍惚嗜臥三惡也未潰先黑久陷面青唇黯便污者四惡也肩項不便四肢沉重五惡也不能下食服藥而嘔食不知味六惡也聲嘶色脫唇鼻青黑面目四肢浮腫七惡也更有氣噎痞塞欬逆身冷自汗無時目瞪耳聾恍惚驚悸語言頻錯皆惡證也五善見三則差七惡見四必危若五善并至則吉而安七惡全見必危而死矣已上所論大綱其諸證治法列論于後

五發癰疽論

夫五發癰疽者謂發背發腦發鬚發眉發頤是也人之一身血氣周流而無間稍有壅聚莫不隨所至而發焉又豈特五者哉夫發背者乃五臟風熱六府邪毒灌于筋骨之間發于經絡之內榮衛虛損氣血衰殘所致也其發初如粟米大最不可輕忽後必大發也若初起紅腫高起者後必不爲害故曰外形如粟中可容谷外貌如錢裏可着拳如惡毒深滿膿血交粘用藥可痊若膿臭穢無絲此血敗氣衰陽絕陰盛必難療理治初起或陰塌不起便可用艾多灸或隔蒜灸之如痛灸至痒如痒灸至痛此最妙法也若疽瘡已成亦可用火針烙開瘡口則易治也若瘡高起爲癰則易治平陷爲疽則難治癰疽形症已具前總論中茲不復論至如發腦發眉發鬚發鬚發頤地位不同然皆由內臟伏陽結滯邪毒上壅隨其經絡地分而發也其諸發癰初起皆宜宣散熱毒要須看人元氣虛實而治之庶不悞矣若元氣實者亦可用大黃之劑泄去毒氣或用漏蘆五香連翹之類皆可用內托十宣之類補之亦有陰瘡寒塌不起雖云用灸然亦不可服寒涼之劑亦宜以煖藥溫之全在活法不可執一也其敷貼洗藥具方于下隨症用焉

外科精要曰癰疽既灸即服藥以護腑臟如護心散凡有疽疾早進數服使毒氣外出而無嘔吐之患否則咽喉口舌生瘡或黑爛如菌若瘡發四五日之後宜間用別藥治之

又曰護心散乃鮮金石發疽之藥若發熱焮腫作渴飲冷而嘔者宜之若發熱焮腫

作渴飲湯而嘔者不宜用之蓋脾虛停痰或寒邪內侵或痛傷脾胃宜用六君子湯若喉舌生瘡或口乾作渴或小便頻數宜用六味丸大凡諸瘡作嘔若飲冷便秘是熱毒也黃連消毒散解之飲冷便是胃火也竹葉石膏湯清之懶食飲湯是胃虛也補中益氣湯補之大便不實喜飲熱湯是脾胃虛寒也六君子加炮姜以溫之常見脾胃虛弱者用護心散反致胃寒嘔惡其喉舌生瘡乃腎水枯涸虛火炎上其證甚惡急用加減八味丸多有得生者

又曰癰疽嘔逆是毒氣冲心非脾胃之冷當服內托散楊氏云鼻衄初愈不曾表汗毒在經絡則背大疽自肩下連腰脇腫硬如石其色紫黑以涼藥投之終夜大嘔連進托裏散嘔止瘡潰赤水淋漓四十日而愈又有患癰者痛過輒嘔服托裏即止今有疽病不服此藥者故引楊氏之言以解世人之惑

華佗癰疽瘡腫論

夫癰疽瘡腫之作皆五臟六府蓄毒不流非獨因榮衛壅塞而發也其行也有處其止也有歸假令發於喉舌者心之毒發於皮毛者肺之毒發於肌肉者脾之毒發於骨髓者腎之毒發於下者陰中之毒發於上者陽中之毒發於外者六府之毒發於內者五臟之毒故內曰壞外曰潰上曰從下曰逆發於上者得之速發於下者得之緩感於六府則易治感於五臟則難療又近骨者多冷近膚者多熱近骨者久不愈則化成血蟲近膚者久不愈則傳氣成漏成蟲則多痒少痛或先痒後痛成漏則多痛少痒或不痛不痒內虛外實者多痛少痒血不止則多死潰膿則多生或嘔逆無

度飲食無時皆癰疽使然症候多端要當詳治薛立齋曰瘡瘍生虫乃肝經風熱其成漏乃元氣虛弱其出血乃脾虛有火其潰膿乃元氣充實至於嘔逆等證屬脾胃虧損所致當調補元氣庶保無虞

背疽其源有五

一天行二瘦弱氣滯三怒氣四腎氣虛五飲冷酒食炙燂服丹藥

治癰疽用藥大綱

一初患癰疽便服內托散以免後來口舌生瘡仍用騎竹馬或隔蒜灸

一服五香連翹湯如大便踈快即止仍量人虛實

一癰疽潰後宜服排膿內補散若嘔逆木香湯下

一癰疽初作便宜灼艾及麥飯石膏塗四圍中留口出毒如瘡小通傳之既潰用神

異膏貼之

一癰疽已潰日用猪蹄湯淋洗將愈之際三日一次

一癰疽將斂宜用神異膏如毒未盡不可遽用生肌之劑

一癰疽將安宜用加味十全湯補其氣血庶肌肉易生

一背疽多先渴而後發或先疽而後渴不救者多矣若服加減八味丸非特杜絕渴

疾抑亦大滋氣血生長肌肉

一癰疽嘔逆有二一因初發不服內托散伏熱在心一因脾氣不正伏熱在心者則心煩身熱焮腫作痛宜用內托散三兩服之脾氣不正者則不煩熱或聞穢氣作

嘔宜用嘉禾散如有寒熱用不換金正氣散五更初兼服山藥丸以補腎

癰疽用香藥調治論

伍氏曰氣血聞香則行聞臭則逆大抵瘡瘍多因營氣不從逆於肉理鬱結爲膿得香則氣血流行故服五香連翹湯萬金散金粉散凡瘡本腥穢又聞臭觸則愈甚若毒入胃則咳逆古人用之可謂有理且如飲食調令香美以益脾土養其眞元可保無虞矣

五發癰疽通治方

漏蘆湯 治一切惡瘡毒腫丹瘤瘰癧疔腫魚臍五發癰疽初覺一二日便如傷寒

頭疼煩渴拘急惡寒肢體疼痛四肢沉重恍惚悶亂坐臥不寧皮膚壯熱大便閉澀小便赤黃並皆服之 妊婦勿服 漏蘆 白欬 黃芩 麻黃去節根實去白炒

升麻 芍藥 炙甘草 朴硝各一兩 大黃二兩 右每服三五錢看虛實用

水煎空心熱服

五香連翹湯 治諸瘡腫初覺一二日便厥喉咽塞發寒熱 乳香 木香 木通

大黃各一錢半連翹 沉香 獨活 桑寄生 丁香 射干 升麻 射香另

研各一錢甘草五分 姜三片水煎不拘時服

托裏護心散 治諸疔腫發背曾經汗下毒氣攻心迷悶嘔吐而痛可服二三服

乳香一兩 葶藶粉四兩 和勻每服三錢甘草湯調服

神仙蠟礬丸 此藥不問老幼皆可服之服至一兩已上無不取效最止疼痛不動

臟腑委是神効活人不可勝數

白礬明亮者一兩研

黃蠟七錢燐化提起待少冷入礬

末不住手攪勻

右衆手丸如梧桐子大倘蠟冷不能丸以滾湯頓之便軟每服

二十丸漸加至三四十丸白湯或酒吞下

如未破即內消已破即便合如

服金石發動致疾更用白礬末一兩匙頭溫酒調下亦三五服見効有人遍
身生瘡狀如蛇頭服此亦効諸書皆稱神奇但一日之中服近百粒則方有
功此藥能防毒氣內攻蓋能護膜也切不可欺其淺近而忽之始終服過半

斤必能萬全瘡愈後服之尤佳

一方治蛇咬只熔化白礬乘熱滴傷處痛即止毒氣即趕出立見效驗要知白礬大
能解毒也

千金托裏散

治一切瘡腫發背疔毒若氣血虛而不能作膿或潰後膿清痛仍不

減最宜服此便能排膿止痛

黃耆一兩半厚朴防風桔梗各二兩連翹二兩二錢

木香沒藥各二錢

乳香二錢

當歸五錢

川芎

白芷

芍藥

官桂

人參

甘草各一兩

右爲細末每服三錢酒一大盞煎三二沸溫服

十六味流氣飲

治無名惡瘡癰疽等證

川芎

當歸

芍藥

防風

人參

木香

黃芪

官桂

桔梗

白芷

檳榔

厚朴

烏藥

紫蘇

枳殼

甘草各一錢

右作一帖水煎食遠服

內托羌活湯

治尻臀生癰堅硬腫痛大作

羌活

黃柏酒製各二錢

防風

歸尾

藁本

連翹

蒼朮

陳皮

炙甘草各一錢

肉桂三分

黃芪一錢半

水一

鍾酒半鍾煎八分食前服

清心內固金粉散 一名金花散 專治惡瘡熱盛厥痛煩躁作渴此藥解毒

辰砂另研 白茯苓 人參 甘草各三錢 葶藶粉四兩 雄黃一錢 冰片 白荳仁

朴硝各五錢 射香與冰片各一錢另研 右以參苓葶藶爲末入研藥和勻每服一

錢半蜜湯調下

麥飯石膏方 又名鹿角膏 白麥飯石其石顏色黃白像麥飯圍者研細末聽用 鹿角要生

者自解者不用截作二三寸長炭火內煨令煙盡爲度研爲細末白欵爲細末 右將麥飯石

用炭火煨紅以好米醋淬之如此煨淬十次研爲極細末每用二兩白欵末

二兩鹿角灰末四兩同入乳鉢乳令無聲方有效驗若研不細敷上作痛若

研得極細如眼藥一般極能止痛排膿收口量藥末多寡用經年好米醋入

銀石器內煎令魚眼沸却旋旋入前三味藥末在內用竹篦子不住手攪熬

一二時久令稀稠得所傾出磁盆候冷以紙蓋蜜勿惹塵灰每用時先用猪

蹄湯洗去癰瘡上膿血至淨以故帛搥乾以鵝翎拂藥膏塗數四圍凡有赤

處盡塗之但留中心一竅如錢大以出毒氣膿血如瘡未潰能令內消如已

潰則排膿如湍水逐日見瘡口收斂如患瘡久肌肉腐爛筋骨出露用舊布

片塗藥以貼瘡上但肉膜纔穿亦能取安洗瘡勿以手觸動嫩肉仍忌口氣

及有腋氣之人并月婦皆令忌之 此方但得好帶蓋鹿角好麥飯石精度
修合勝用他藥多矣仍可熬取好米醋一大碗候逐日用藥於瘡上俟乾便

以鵝毛蘸醋拂潤勿令緊也初用須一日一洗換十日後兩日一換

排膿內補十宣散一名十奇散一名內補散 治癰疽瘡癤未成者速散已成速潰敗膿自

出無用手擠惡肉自去不用刀針服藥後其痛頓減效驗如神 人參 當歸

黃耆各二兩 甘草 川芎 防風 厚朴姜汁炒 苦梗 白芷 薄桂各一兩

右爲末每服三錢酒調下日夜各數服以多爲妙服至瘡口潰更服爲嘉不

飲酒人濃煎木香湯調下然終不若酒力之勝或飲酒不多能勉強以木香

湯兼酒調下亦可

乳香黃芪散 治一切惡瘡癰疽發背疔瘡痛疼不可忍者或未成者速散已成者

速潰不假刀砭其惡自下 又打撲傷損筋骨疼並皆治之 黃耆 當歸

川芎 麻黃去根節 甘草 人參 芍藥各一兩 嬰粟殼蜜炙 陳皮各一兩

乳香 沒藥各五錢 每服五六錢水煎服

黃耆湯 治一切瘡腫癰疽並宜服之 黃耆 川歸酒洗各二兩 大黃 芍藥

陳皮 炙甘草各五錢 右加生姜二片水煎服

托裏內補散 專治一切惡瘡潰爛出膿之後宜服之 人參 川歸 川芎

白芍 甘草 白芷 防風 白朮 茯苓 官桂 黃耆 金銀花 各等

分水煎服

護心散 治毒氣沖心嘔吐又名不二散 炙甘草 硃砂飛各一錢 藁朮粉炒二錢 爲

細末作一帖白湯調下

當歸連翹散

清熱解毒通潤大小便

當歸

連翹

梔子仁

芍藥

金銀花

各一兩

黃芩五錢

右每服五錢水二鍾煎七分空心溫服如欲通大便加大

黃二錢待藥煎將熟入之再煎一二沸服之

托裏散

治一切惡瘡發背疔疽便毒治發脉洪絃實數腫甚欲作膿者 當歸

括萎根一錢半

大黃三錢

皂角刺

牡蠣

朴硝

連翹各一錢半金銀花

赤芍藥

黃芩各一錢

水酒各一盅煎服

乳香止痛散

治一切瘡腫疼痛不止

乳香

沒藥各一錢

丁香五分

粟殼

白芷

陳皮

炙甘草

水煎服

加味當歸飲子

古云諸瘡皆屬心火火鬱則發之

當歸

生地

升麻各五錢

防風二錢半

荊芥穗

何首烏各一錢

柴胡

白芍藥

川芎

羌活

黃耆

各三錢

紅花

蘇木

甘草各一錢

每服五錢生姜三片煎或沐浴取微汗

效速使血氣通暢服藥應效

托裏溫中湯

治瘡爲寒變而內陷者膿出清解皮膚涼心下痞滿腸鳴切痛大便

微溲食則嘔氣短促吃逆不絕不得安臥時有昏潰

丁香

沉香

茴香

陳皮

益智仁各一錢

木香一錢半

羌活

良姜炮三錢

黑附子

炮去皮臍四錢

炙甘草二錢

姜三片水煎服

忌生冷

猪蹄湯

治一切癰疽并諸腫毒消毒氣去惡肉凡瘡有口便須用此湯洗

黃芩

白芷

赤芍藥

川歸

羌活

生甘草

露蜂房有蜂兒者各等分

并將蜜

猪前蹄兩隻重一斤只用白水三升煮軟將汁分作二次澄去面上油并下肉渣每次用藥一兩投于汁中再用文武火煎十數沸去渣以故帛蘸湯溫溫徐徐揩瘡上死肉惡血隨湯而下洗淨訖以帛拭乾仍避風忌人口氣吹之有狐臭人及月婦猫犬並不宜入病人房中洗瘡切忌手觸洗疽之方甚多惟此方極效其用露蜂此甚有理蓋以毒攻毒也

麥門冬湯

癰疽潰後膿水不絕

麥門冬

黃耆

五味子

人參

官桂

當歸

遠志

白苓

芎藭各一兩

灸甘草三錢

姜一片棗二枚水煎

四虎散

治發疽腫硬厚如牛皮按之痛

天南星

草烏頭

半夏生用

狼毒

各等分爲細末醋蜜調敷留頭出氣

內托散

諸腫毒惡瘡一服立愈便毒尤効

大黃

牡蠣各五錢

甘草三錢

括蕒仁

二兩如無用山梔子亦可

右分三帖水煎服

鐵井欄

治無名腫毒背疽以此圍之留口出氣

芙蓉葉重陽前收蒼耳端午前收燒

存性

爲末以蜜水調上

五香湯

諸瘡入腹托裏

丁香

木香

沉香

乳香各一兩

人參一兩另加

射香三錢嘔惡者去之加藿香

右爲細末每服三錢水一盞煎六分空心熱服總

錄聖惠千金外臺治諸瘡腫方中皆載此方大同小異大抵專治毒氣入腹

煩悶氣不通者其餘熱結昏昧口燥咽乾大便硬小便澀者未可與服

止痛當歸湯

治腦疽發背穿潰疼痛

當歸

黃耆

人參

官桂

芍藥

炙甘草 生地各一兩 每服五錢水煎服

金銀花散 發背惡瘡托裏止痛排膿 金銀花無花藤葉代之四兩甘草八錢 分爲

三帖酒水各半煎服

拔毒散 治熱毒丹腫遊走不定 寒水石生用 石膏生用各四兩黃柏 甘草各一兩

爲細末新汲水調掃之或油調塗之或紙花上攤貼以涼水潤之

寸金丹 二名返魂丹 三名再生丸四名追命丹六名來甦丹七名知命丹八名

得道丸非人勿示若有人患癰身未爛者與三丸服之嚥下便活如口噤幹開研

化灌之下喉立生治發背腦疽癰腫遍身附骨腫痛先時飲水口中煩渴發熱

四肢沉重身體壯熱 射香一分乳香 輕粉 烏金石 雄黃 狗寶 沒藥

各一錢 蟾酥二錢 粉霜 黃蠟各三錢 礪砂五錢 鯉魚胆乾用 狗胆各一枚

頭男胎乳一盞金頭蜈蚣七條酥炙全用 右俱爲細末以黃蠟熬成膏子和勻

爲丸菴荳大小兒丸如芥子大每服一丸病重者加三丸白丁香七枚研爛

新汲水調送下被蓋出汗勿令透風凡服藥後喫白粥瓜薑就睡大妙頭瘡

腫痛不過三服

定痛托裏散 一切瘡腫疼痛不可忍如年少氣實先用疎利後服此藥 川芎

川歸 乳香 白芍藥 沒藥與乳香各一錢半 官桂一錢御米穀去筋膜炒二錢

水煎服

柞木飲子發背癰疽已成未成並宜服之 乾柞木葉四兩 乾荷葉心蒂 萱草根

甘草節 地榆各二兩 右爲末每服五錢水煎服早晚各進一服

內托千金散 癰疽發背腦疽乳癰諸瘡癰未成者自散已成者即潰 人參

川歸 黃芪 川芎 防風 白芍 官桂 桔梗 白芷 甘草 括蕓

金銀花各等分 痛甚者加當歸乳香沒藥芍藥 每服七八錢水煎臨服加

好酒半盞溫服日進二三服若瘡口有黑血出及有汗出者此藥之功也

牛膠飲 截癰疽惡瘡發險處服之使毒氣不攻於內不傳惡証 牛皮膠通明好者

淨洗乾秤四兩爲則 右用酒一碗入膠納重湯頓令膠攪勻傾出更浸酒隨意飲

盡若善飲者以醉爲度亦用酒煎却浸以白湯飲盡爲佳此法活人甚多

國老膏 一切癰疽俱發預期日服之能消腫逐毒使毒氣不內攻功效不具述

大甘草 有粉者二斤 槌令碎河 浸一宿揉令漿汁屢去渣再用綿濾過銀石器

內慢火熬成膏以磁礮收之每服一二匙無灰酒侵入或白湯亦可不拘時

服曾服丹劑燥藥亦解之或微利無妨

遠志酒 一切癰疽發背惡毒有死血陰毒在中則不痛敷之則痛有憂怒等氣積

而內攻則痛不可忍敷之則不痛或熱蘊在內熱逼人手不可近敷之即清涼或

氣虛血冷潰而不斂敷之即斂 此乃韓大夫宅用以救人極驗若七情內鬱不

問虛實治之必愈 遠志米泔浸洗去心苗 右爲細末酒一盞調藥末三錢遲頓澄

清飲之以渣敷病處

忍冬酒 癰疽發背初起時便當服此不拘疽發何處及婦人乳癰服之皆有奇效

外以麥飯石膏及神異膏塗之其效若神

忍冬藤生取一大握以葉入砂盆內

爛研入好酒或生酒尤佳調和稀稠得所於塗敷四圍中心留一大竅出氣仍用

忍冬藤五兩用木槌微搗不可碎

甘草節一兩

右入砂瓶內水二碗文武火慢慢

煎至一碗入無灰好酒一大碗再煎十數沸去渣分爲三次服一日服盡如

病勢重一日夜再進一劑服至大小腸通利藥力乃到 若無生者用乾者

終不及生者力大而效速其功勝於紅內消

神仙截法

癰疽發背一切惡毒預服此藥毒氣不內攻可保無虞

眞麻油一斤

銀石器煎十數沸傾出冷用

右以無灰酒兩碗侵入油重湯溫相熱通口急服一日

盡之爲妙或疾發數日者亦宜急服之佳此法乃吳侍御家云三代用之無

不驗又聞獵者云凡悞中藥箭急飲麻油則藥毒不行後於西山親見一人

被虎箭穿股叫號不忍急以此灌之良久遂定又聞鄭學諭曾用之效

黃蓍丸

治因用針砭傷其經絡白膿赤汁逗流不止

生黃蓍八錢

川歸三錢

木香

沉香

肉桂

乳香各一錢

右諸香並不見火爲細末用菴荳粉生

姜汁煮糊爲丸梧桐子大溫水吞四五十九

忍冬丸

療渴疾既愈之後須預防發癰疽大宜服此

忍冬藤根莖花葉皆可用

以無灰好酒浸以糠火煨一宿取出晒乾入甘草少許研爲細末以所浸酒

打麵糊爲丸梧桐子大每服五十丸至百丸不拘時酒飲任下此藥不特治

癰疽大能止渴并治五痔諸癭等疾

援生膏

治諸般惡瘡及瘰癧鼠瘻纔起者點破即愈 血竭 乳香 沒藥各一錢

蟾酥輕粉各三錢

雄黃五錢

射香五分

右用蕎麥稽灰或真炭灰一斗二升

淋灰湯八九碗用栗柴或桑柴文武火煎作三碗取一碗收留二碗盛於好磁器內候溫將前七味藥研爲極細末入灰湯內用跌瓢或桑柳枝攪再以好風化石灰一升入藥灰湯內攪勻取出候冷過宿成于小白磁罐內凡遇諸惡瘡點在當頭一日二次次日又一次瘡頭食破約五分血水出爲妙恐日久藥乾將前收留灰湯入之

烏龍膏 一名烏金散

一切腫毒癰疽收赤暈

木別子去壳 半夏各二兩

小粉四兩

草烏五錢

右於鐵銚內慢火炒令轉焦爲細末出火毒再研以水調稀稠得

所敷毒四圍留頂出氣或以醋調亦得

透膿散

諸癰疽瘡及貼骨癰不破者不必刀針以此點之不移時其膿自透累驗

蛾口繭子出蛾有口者

右燒存性以酒調服切記只用一枚不可多用如用

二三枚即有二三口也慎之此方絕驗勿忽

通門散

一切瘡疽無頭腫痛

山梔子三錢

大黃二錢

牡蠣炒五錢

地龍去土三錢

炙甘草五錢

每服六七錢水煎服以利爲度

乳香拔毒散

一切瘡腫癰疽消毒

黃芩各二兩

黃柏

地骨皮

乳香

沒藥

各二錢

爲末涼水調攤貼腫處效

立效散

發背諸癰癰瘰癧乳癰與前方間服神效

皂角刺不用枯者剉而久炒